

Broj: 416-2/21

Sarajevo, 23.04.2021. godine


**SKUPŠTINA KANTONA SARAJEVO (putem Ministarstva privrede KS)**

Reisa Džemaludina Čauševića broj 1

n/r Elvedin Okerić, predsjedavajući Skupštine KS

**MINISTARSTVO PRIVREDE KANTONA SARAJEVO**

Reisa Džemaludina Čauševića broj 1



**PREDMET: Zastupnička inicijativa - odgovor, dostavlja se**

**Veza: Vaš akt broj: 01-04-16407-33/21 od 20.04.2021. godine**

Poštovani,

U skladu sa dopisom Skupštine Kantona Sarajevo broj: 01-04-16407-33/21 od 20.04.2021. godine (zaprimljeno u Turističkoj zajednici Kantona Sarajevo pod brojem 416/21 dana 22.04.2021.) na zastupničko pitanje/inicijativu zastupnika Vibora Handžića u vezi sa izradom Strategije razvoja turizma Kantona Sarajevo i planskih dokumenata, dostavljamo odgovor kako slijedi:

Prema odredbama Zakona o turizmu KS, član 5, stav (2), Strategiju razvoja turizma Kantona Sarajevo donosi Skupština Kantona Sarajevo, na prijedlog Vlade Kantona Sarajevo.

Ostala planska dokumenta u turizmu moraju biti usaglašena sa Strategijom razvoja turizma Kantona Sarajevo (Zakon o turizmu KS, član 4, stav (2)), te Turistička zajednica Kantona Sarajevo svoje prijedloge planskih dokumenata može podnijeti tek po usvajanju Strategije razvoja turizma KS.

Također ističemo sljedeće:

Vlada Kantona Sarajevo je na 57. sjednici Zaključkom broj: 02-04- 2751-11/20 od 06.02.2020. godine („Službene novine KS“, br. 6/120) usvojila „Odluku o pristupanju izradi Strategije razvoja Kantona Sarajevo 2021-2027. Navedenom Odlukom utvrđeno je da je Nosilac pripreme za izradu Strategije Vlada Kantona Sarajevo, a Nosilac izrade Strategije Zavod za planiranje razvoja Kantona Sarajevo.

Strategija razvoja Kantona Sarajevo 2021-2027. je strateški dokument koji usmjerava razvoj, utvrđuje prioritete u razvoju i predstavlja putokaz za sveukupan razvoj Kantona Sarajevo, uzimajući u obzir sve njegove dimenzije: ekonomsku, društvenu, okolišnu i prostornu. Strategijom razvoja KS utvrđuju se ciljevi i prioriteti razvoja Kantona Sarajevo, način njihova ostvarivanja, finansijski i institucionalni okvir za implementaciju, monitoring, evaluacija i izvještavanje.

Kao takva, Strategija razvoja KS je osnovni dokument za izradu sektorskih strategija, a sastavni dio Strategije razvoja KS je oblast Turizam.

Strategija razvoja KS je trenutno u završnoj fazi izrade, odnosno Prednacrt Strategije je dostavljen svim relevantnim institucijama, a 14.04.2021. godine isti je dat na javne konsultacije s rokom od 30 dana.


Turistička zajednica Kantona Sarajevo je, na poziv Zavoda za planiranje razvoja KS, a u svrhu pripreme i izrade što kvalitetnije Strategije razvoja Kantona Sarajevo 2021-2027, aktivno učestvovala u izradi

navedene Strategije kroz radionice i dostavljanjem svih relevantnih dokumenata, informacija i podataka iz oblasti turizma u Kantonu Sarajevo.

Turistička zajednica Kantona Sarajevo izražava zahvalnost zastupniku Handžiću na pokretanju navedene inicijative kao temelju za strateško upravljanje turizmom u Kantonu Sarajevo i naglašava spremnost za postupanje po pitanju izrade planskih dokumenata u skladu sa obavezama definisanim odredbama Zakona o turizmu KS, te Vas molimo za podršku u skladu s Vašim nadležnostima.

Predsjedavajući Povjerenstva

Turističke zajednice Kantona Sarajevo



Dostavljeno:

1. Ministarstvo privrede Kantona Sarajevo
2. Skupština Kantona Sarajevo putem Ministarstva privrede Kantona Sarajevo
3. a/a